

Zuan Andrea, fo fameio, amazò *alias* so' fradello Gabriel, hora amazò uno so' fradello nominato Francesco per lite di partir roba et uno nepote, *ut in litteris*.

Fu posto, per li Consieri, darli autorità bandirli di Venetia, terre e lochi tutti tre li delinquenti, taia vivi lire 1500, morti lire 800, e li soi beni siano confiscati: 161, 6, 0.

Fo leto una *letera di sier Zuan Batista Memo podestà e capitano di Bassan, di 6 di questo*. Avanti l'intrar dil suo rezimento, di certa cusion fata; poi uno andò dove era quel so' inimico in el monasterio di Santa Catarina, fuora di Bassan, la Domenica di l'Olivo, scalò le mure, introno dentro, trovò esso in orto con certi frati, li dete 7 ferite, ferite il frate et poi *etiam* il prior su la testa.

Fu posto, per li Consieri, darli autorità di meter in bando di Venetia, terre e lochi, con taia vivi lire 500 per uno, et morti lire 300, e li beni siano confiscati, come vuol la parte. Ave 166, 6, 0.

77 Fu posto, per li Savii dil Consejo e Tera ferma, una *letera a sier Andrea Griti procurator a Milan*, laudarlo di ogni risposta e trattato fato con Lutrech. *Item*, li demo licentia di venir a repatriar, si cussi vol Lutrech, et comunichi li capitoli di la liga trina et la deliberation nostra di farla, *ut in litteris*. Fu presa. Ave 197, 3, 1.

Fu posto, per sier Polo Valaresso e sier Piero Boldù proveditori sora la fossa Lovara, certa sua opinion per le aque, *ut in ea*; e li Savii non volse la mandasse per aspetar l'opinion di sier Andrea Griti zercha ditte aque etc.

Fu leto una suplication di uno Nicolò Lugara, da Corfù, qual fo quello avisò la galia Bemba col Baylo andava a Constantinopoli, sora Sibinicho, di le fuste tureche. Dimanda certa provision a Corfù. Leto letere dil rezimento di Corfù. *Item*, una fede di sier Tomà Contarini baylo a Constantinopoli mandava una di sier Sebastian Moro proveditor di l'armata. Di le so' bone operation, li soi dete Strovili a la Signoria, et dimanda che li sia dato etc.

Et volendo li Consieri excepto sier Batista Erizo e sier Luca Trun, Cai di XL e Savii, meter certa parte, atento li soi meriti, di darli; et li Savii ai ordeni non volse esser in opinion, dicendo non saper quello era per esser intradi nuovi, e per le leze vol tutto il Colegio metti; però non fo posto.

Fu fato e tolto il scurtinio di sier Antonio Trun procurator, ha refudado, et fo tolto sier Andrea Griti procurator, et rimase. *Item*, con boletini fo fato il scurtinio di tre Provedadori sora le vendede

dil Montenuovo in luogo di sier Antonio Trun procurator, sier Domenego Trivixan el cavalier, sier Andrea Griti procurator, che compieno, et sono refati questi medemi; il scurtinio è qui soto posto.

206

Savio dil Consejo.

Sier Zuan Venier, fo Cao dil Consejo di X, qu. sier Francesco	79.118
Sier Gasparo Malipiero, fo Cao dil Consejo di X, qu. sier Michiel	74.126
Sier Antonio Condolmer, fo savio a Terra ferma, qu. sier Bernardo	38.167
Sier Alvixe Pixani procurator, fo savio dil Consejo	103.103
† Sier Andrea Griti procurator, fo savio dil Consejo	171. 35
Sier Zorzi Pixani dottor, cavalier, fo savio dil Consejo	106.100
Non. Sier Luca Trun, fo savio dil Consejo, qu. sier Antonio, per esser consier	

Tre Provedadori sora le vendede dil Montenuovo.

77*

Sier Andrea Trivixan el cavalier, fo savio dil Consejo, qu. sier Tomà procurator	88. 89
† Sier Domenego Trivixan el cavalier procurator, fo savio dil Consejo	163. 19
Sier Piero Capelo, fo savio del Consejo, qu. sier Zuan procurator.	96. 91
Sier Alvise da Molin procurator, fo savio dil Consejo	91. 96
† Sier Antonio Trun procurator, fo savio dil Consejo	127. 59
Sier Alvise Pisani procurator, fo savio dil Consejo	78.108
Sier Hironimo Justinian procurator.	75.112
Sier Lunardo Mocenigo, el savio dil Consejo, qu. Serenissimo	111. 74
Sier Alvise Grimani, fo Consier, qu. sier Bernardo	66.122
Sier Piero Lando, fo savio dil Consejo, qu. sier Zuane	84.104
† Sier Andrea Griti procurator, fo savio dil Consejo	168. 23

A dì 10, la matina, fo letere di Milan, di sier Andrea Griti procurator, di . . . Dil partir di monsignor di Lutrech per Gambalò, dove staria